

D Appezeller Isebaa werd
 vegoldet glob mers noo
 S hät en jede wo dra werched
 nüd emol en schlechte Loo
 Do wird grabe, do werd
 gschuffed,
 Schiine wered ommegropft
 S isch gad z hoffe, dass trotz
 Chran ond Bagger
 S Kässeli sich nüd überlopf
 De Bund hei Geld, da chönnt
 mer meene
 Si leered s uus met vollne
 Zeene (Zeinen)
 So schwätzed vil Lüüt onde-
 renand
 Sie flüschtereds, id Fuscht, id
 Hand
 E Luxusguet nüd zytgemäss
 Vorzääg-Objekt im Sonntagshäss
 Mee sei sie nüd die Schmaal-
 spurbaa
 Poschtauto wäred wölfler
 (billiger) z haa
 Vomene Autobuskantoo
 hetted ali mee devoo
 Met Bus wör jedes Dorf er-
 schlosse
 Nüd d Waartsääl off ond wider
 gschlosse
 Will doch au zo gwössne Zyte
 en Hufe Sitz im Bähnli leer
 Bruuchi s neu Optione, d
 Regierig sinni (studiere) hii
 ond her
 E guets Konzept modern ond neu
 Da brächt doch Gäscht ond
 Geld wie Heu
 En Hit för d Appezeller Baa
 Me sei am Baue jo scho draa
 Ond dromm – wärs gär nüd ase
 domm
 Vo Gosse bis off Wasseraue
 D Strecki nomol neu go baue
 Das wör doch haue, sei scho im
 Plan
 E super Vorzääg-Velobaahn!!!
 D Velofahrer nemed zue
 Me mös för d Ommwelt näbes tue
 En ägni Stross, Velo ond Bike
 Au Platz, för en Naturschutz-
 streik
 Doch d Appezeller Isebaane
 Sönd wie d Appezeller Fahne
 En Tää! vo ös! Mer wend sie
 bhalte
 Ond bliibed emol mee – bim Alte.

Esther Ferrari